

方志之體近古講亦益備蓋居狀一方史矣史之用述往開來為為國者所可鑑惟詳鉅畧細其一地之肥磽一隅之利病得失若者與天下同若者與天下異恆于方志焉補史知國史之用為為國者所不廢則知為政一方亦不得專營近計視方志無足更輕矣今吾國自罹禍亂後勢益岌變益紛為政者率自督察催科能就近功為通勢合變并前朝所遺教養諸政均自為非時所急咸任置史建此論說通中舉斯職稱能吏所為或異於迂而笈史矣至問督察所憑曰必習其遺風深俗也催科奚本曰必識其地力民情也嗟乎祗能

督察催科百務不進且不足脫艱危濟時寶也矧為斯二事已不能離其地出現情注勢冒冒奏功則夫言方志于今日又豈可視為不急迂笈史哉顧在今能舉斯二者已歎不敷更敏于勢亟事繁之日博考彙搜籀成一方史吏將不惟其不可喜其志識宏遠在晚近得史益艱矣湘鄉謝君昂麟前宰任縣數載有惠政余長直隸民政時謝君已却事居津來謁出其所為任縣志激序刊刊余諾史而公欠未及為今奉旨叅政居京謝君復來申前請意至啟勤余讀其書見其上下古今舉一方史疆域政俗生業物產條列秩狀若指掌而

呂為非時所急咸任置也建此論號通十
舉斯職稱能吏所為或異於迂而笈也矣
至問督察所憑曰必習其遺風深俗也催
科奚本曰必識其地力民情也嗟乎祗能
督察催科百務不進且不足脫艱危濟時
變也矧為斯二事已不能離其地也現情
往勢冒冒奏功則夫言方志于今日又豈
可視為不急迂而笈也哉顧在今能舉斯
二者已歎不敷更敏于勢亟事繁也日博
考彙搜籀成一方史也將不惟其不可喜
其志識宏遠在晚近得也益艱矣湘鄉謝
君鼎麟前宰任縣數載有惠政余長直隸

任縣志激序刊余諾也而公欠未及為
今奉呂叅政居京謝君復來申前請意至
故勤余讀其書見其上下古今舉一方也
疆域政俗生業物產條列秩然若指掌而
示大理後也為政者不俟旁激開卷得為
政也要謝君志識且于斯志畢驗也其在
職也敏更無論矣去徒知督察催科不欲
明民進化呂趨時合變也則已倘其不爾
將趨乎尋常吏事呂外來志敏及遠識足
燭微也本斯民注勢呂造來今如謝君
者余將厚望不已矣豈沾沾於一方也志
一隅也政云爾也哉

中華民國三年七月鹽山劉若曾序



任縣志序

古者循名必責實而劉彥和則曰意徵實而難巧是非謂實之不足重謂實之不易徵也人之修於己則貴實行實學及乎物則貴實心實政安往而不宜求其實者矧志乘所關將以彰文獻備掌故而可不考實以期垂之久遠哉任邑志重修於道光初年自後杳無底續簡編缺如上湘謝君蓉堦蒞官斯土見其民情樸實男耕女織饒有唐魏遺風惟近年來人文不甚振起慨然引為有司之憾爰集司訓陳君學愚並學警各員悉心蒐輯商榷校讎所有山川風土人情以及沿革建置藝文風節體例統以八門考證必歸於當採訪必求其真期無一端之不實

任縣志序

焉耳余前權順郡素佩謝君學道愛人實事求是今者修志猶是心也承以書索弁言自愧謏陋不文何敢摭拾貽作者羞然心心相印樂觀厥成至於志之能詳能實與否觀者當自得之而作者則盡心以求其實藉以存一邑之文獻俾觀風者有所考證云爾是為序

宣統三年歲次辛亥孟夏四月中浣署保定府知事蘇完瓜

爾佳延齡謹撰

任縣志序

邑志始輯於有明隆慶元年再輯於我朝康熙十二年道光初復修之隆慶志久無傳本道光志又簡略無足採今所據惟康熙志而已自康熙迄今二百五十餘載時遷事貿紀載闕如蓋文獻之散佚久矣余以光緒乙巳之夏奉檄蒞任始至之日出郡城循牛尾河而東不三十里而至邑境於焉察其風土溝塍鱗次流水環通汲引以時頗稱膏沃東北環大陸平疇千頃雖時有積潦之害而以食其福者為多東帶滏陽灌溉運輸農商均沾其利其民則男務耕耘女勤紡織山樞葛屨猶然唐魏之遺其士則遵律令敬長官循循規矩而相尚以儒素蓋邑東

任縣志序

連鉅鹿而無其愚悍之風北接唐山而無其刁健之習斯固一方之所獨美者也所不足者人文之振起耳當前明中葉此邦人士未嘗不有聲於時而乃以繼起乏人遂使先達遺型日遠日泯微論追蹤繼武甚有並其姓字弗識者今試與近溯國初訪劉霖蒼循良之績遐稽勝代緬趙含章蹇諤之風年代匪遙知者已鮮又况游太傅之芳躅遠在拓跋之朝張徵士之高標渺在當塗之世者乎固由家少藏書人無績學而亦邑乘殘缺無以昭示來茲故也余撫任六載百度粗舉憫士風之謏陋思有以引進之而傳記所載古人之嘉言懿行雖皆足啟發人心要不若生於其鄉者為易觀感而興起也故莫如修志為最

宜而以勞勞於期會簿書無暇從事司訓陳君學愚學優而文美因以志事屬之採訪調查則委之學警各員爰以己酉歲四月開局纂輯越十二月書成是役也固將稽掌故酌經常問民風核物產俾生於斯者知所以鑿古而矯失吏於斯者知所以通變而宜民而尤在發潛闡幽取老成典型作後進模楷庶高山景仰人思奮發曷其所不足者益保其所獨美者斯又將來之志所待以延譽而增重者也邑人士其勉乎哉若夫時勢既殊理想亦從而稍異今志之作有不能盡同於昔者則義具例言無俟余之贅論矣

宣統二年五月下浣知任縣事湘鄉謝昂麟序

任縣志序

天津華泰印刷局印

縣之有志所以存掌故徵文獻兼以知人民之苦樂風俗之美惡者也顧或因兵燹之餘卷帙零落風雨剝蝕散佚無存則拾遺補闕誠官斯土者之責也任縣志書權輿於明隆慶元年再輯於清康熙十二年道光初葉復修之迨咸豐三年突遭洪楊之變志書版片悉付劫灰自是缺而未備者蓋六十年於茲矣前任湘鄉謝君蓉堉官任久以邑乘之闕如而無以昭示來茲也乃慨然以志事自任爰屬司訓陳君學愚實司編纂並督學警各員闡幽抉隱蒐討靡遺九閱月而書成義例燦然胥臻純美信足爲任邑光矣嗣因謝君陳君先後受代去且攜斯編丐序於前民政長劉原稿久未發還故遲遲迄未付梓去年秋余

任縣志序

四

天津華泰印刷局印

奉檄知任縣事下車伊始輒以政治之良窳俗尚之同異以及疆域沿革水道變遷與都人士翻覆研究冀可以循名覈實獲洞悉其底蘊徒以志書烏有考鏡無資北望塔屹之臺西問長廊之柳俯仰徘徊亦僅得其形似已耳爰進紳耆而謀之略謂邑無志書不特學校禮制田賦兵刑犖犖大者欲考其興廢利病而莫由甚至一物產之微一藝文之末亦浸假而昧所從來今而不亟事補輯烏乎可况前因重修畿輔通志今因清史館纂辦地理志迭奉長官檄催賚送志書以資參攷是則編刻志書之舉更有不可須臾緩者諸紳耆以舊本之待鐫懼前修之難續無不翕然樂從用是以劉君書旂魏君華堂等設局籌

辦就謝君叢殘之副本各依門類摭拾而補綴之並詳請直隸巡按使朱將志書原稿咨取飭發俾得與補編同付手民此則任縣志書告成之巔末也是役也創於謝陳二君劉魏諸君亦與有力而余得樂觀厥成贅名書尾藉以悉政治俗尙疆域水道今昔之不同其爲幸也何若顧余蒞任以來忽踰半載所晝夜焦思惓惓不忘者則以任邑九河下流失其故道大陸之墟陷爲巨澤陽侯每易肆虐居民病其漂沒尙無術以疏濬而拯救之又未免循覽志書而良深慚慙者矣

中華民國四年三月任縣知事山左王億年序

任縣志序

五

天津華新印書局印

增補邑志序

一國有史一邑有志志與史相表裏者也史以載道道不外孝弟忠信禮義廉恥孔子之春秋紫陽之綱目胥是道也天不變道亦不變運雖變而天終不變守道而人羣以聚士習以端國體以立世界以成去道而人羣以散士習以敗國體以亡世界以滅史者道其所道故爲正史志者道史之道以爲道故爲良志世之趨新者動曰國體變矣君政變而民治古之所謂道非今之所謂道也依古而違今焉將迂闊而遠於事情矣其如道何世界變矣閉守變而交通中之所謂道非外之所謂道也尊中而薄外焉將因陋而昧於時勢矣其如道何不知道一而已

任縣志序

六

天津華新印書局印

一者何也曰孝也弟也忠也信也禮也義也廉也恥也無古今無中外一也故夫人情之變也物理之變也事實之變也而道則不變準道以樹之鵠道合而褒之獎之表揚之激勵之以勸善也以勸孝弟忠信禮義廉恥也道乖而貶之譏之禁絕之誅滅之以懲惡也以懲不孝不弟不忠不信不禮不義不廉不恥也此春秋之微意也亦綱目之大法也吾邑志重修於宣統末造謝邑侯之所鑑定陳司訓之所編纂固已炳炳烺烺蔚乎大觀乃未及毀版而清社已屋二公亦先後去職今四閱寒暑矣帝國去民國興開四千年未有之創局其間人情之變物理之變事實之變參伍錯綜不知凡幾苟不重新補輯以明大道則

帝國之所尙或疑非民國之所宜將自由平等之學說愈沿愈誤其何以教孝教弟教忠教信教禮教義教廉恥以垂鑑戒示來世哉我邑侯王公下車伊始刻刻以益民正俗爲念慨世風之不古慮絕學之失傳咨命多士庶續前編予識淺學疎深恐未克勝任貽大雅羞奈斯道攸關不得不竭力維持焉任邑古爲晉地陶唐氏之遺風至今尙在其民之守孝弟務忠信遵禮義崇廉恥者亦既沿爲舊俗雖國體有變世界有變而人心之守道正未嘗變也爰本此意詳加採訪其自達官顯宦學士文人逸民鄉耆奇男烈女凡有關於孝弟忠信禮義廉恥者莫不搜集補錄以光卷帙卽如疆域地利水陸物產人工製造以及新

任縣志

七

天津華新印書局印

政設施舉可以助成一邑之富庶以養成孝弟忠信禮義廉恥之風者亦皆備載靡遺俾後之覽者撫遺牒懷往事有以興起其孝弟忠信禮義廉恥之心則志之有裨於桑梓者孰大於是孔子曰道不遠人人之爲道而遠人不可以爲道吾亦曰志不遠道人之爲志而遠道不可以爲志斯卽續志之本旨也夫是爲序

民國四年一月十八日卽舊曆甲寅十二月初四日邑人前清舉人劉書旂撰

凡例

一志書之作以爲民也故凡有關地方利病生民休戚者但有足徵悉從甄錄隨事立論亦卽以此旨爲宗

一體例所存貴明統系茲則統以八門復就各門詳分子目事以類從文因事繫綱領既得條目咸釐

一圖學近最發明然欲以米突之尺求若干萬分之一可供新學考證難資舊學研求茲仍計里開方循方定位庶城鄉遠近川澤短長展卷披圖瞭如指掌

一地理多詳分野而其理實未易言微論地球旋轉難拘以何度何方卽準天動地靜而言則昂畢高懸豈專斯境茲故詳

任縣志

凡例

八

天津華新印書局印

經緯而略星躔氣候至分庶堪推測

一沿革僅志大凡疆域只詳現界其統部之或合或分舊境之爲贏爲縮非關宏旨無事駢枝

一山脈河流爲地理所必要而本境則平原坦蕩河道紛歧水溢早乾皆關民瘼故凡滌源疏委建閘開渠孰便地形孰資民力利害所繫不厭求詳

一人因地著村落始成其有築堡以衛民建坊以表里既歸連類無取更端至古迹留遺何鄉傳播亦從附識聊助雅談

一物產因地而生風俗隨地而異爰稽厥類當附茲篇然考名義於葩經溯流風於史傳徒矜學識何與民生茲則撮物產

之大宗紀風俗之現狀盛衰嫩惡一覽可知司牧何人尙思
富教

一邑有建置無非民力民財然政治所關不容已也大而城池
次而衙署舊有之學宮壇廟新增之堂局園所以及橋梁館
舍悉匯斯篇記事之文隨條附入後之覽者庶識由來

一經政之設祇記大端用一緩二爲民惜財則賦役先焉崇德
報功爲民祈福則祀典詳焉欲酌行政之緩急當視斯民之
貧富則戶口土田有比例焉經費因乎地糧鹽引關乎民食
隨宜附述不別爲篇至承敝通變新政乃行然款目既隨地
而殊與舉亦因人而異欲稽定制尙俟方來

任 縣 志

凡例

九

天津華新印書局印

一職官宜斷自 本朝而舊志於編輯官師方嫌未備搜求姓
氏勤懇有加今忽從刪或爲已甚故仍循舊例過而存之其
有政績者則分繫各條俾得觸目警心勉思樹立

一舊志選舉先明經次乙科次甲科謂宜順推不宜逆數然科
舉時代既以進士爲最榮自當以進士爲稱首今所表列仍
以進士居先舉貢遞而次焉其自他途者則統以仕進附諸
選舉之末

一人以地生地因人重則人物志焉舊存列傳頗多疏漏茲則
上稽史冊旁探通志就其有可考見者詳爲補輯採訪所得
依次序列然代以遠而或湮人以近而易附不遺不濫深愧

未能

一事有可紀而又不足爲一門者則統以紀事一切古蹟亦附
其中略等類編以免煩瑣

一藝文一志不僅論文或取其有益地方或取其有關時局非
此例也概不濫登

一舊文不能盡善而故事未可盡刪故鈔錄原篇則直言某撰
節易舊作則區以略云至銘誌則體近頌揚採訪則語多鄙
俚事期徵實詞貴求工筆削頗加不辭僭妄

一舊志所有不嫌於因舊志所無何嫌於創故辨證多并己見
序次亦本獨裁至義有未宣或立論以闡之事有未覈或加

任 縣 志

凡例

十

天津華新印書局印

按以明之隨手拈來初無定例

任縣志修纂姓氏

鑒定

花翎同知銜任縣知縣洲鄉謝長麟

編纂

乙酉科舉人任縣訓導房山陳智

錄事

廩生姜弼綸

繪圖

警務畢業生劉國英

探訪

任縣志

天津華新印刷局印

附

歲增增文調查

員魏華堂

員張繼釗

員馬詒元

員牛煥文

員趙維邦

員魏錦堂

員任春膏

警務畢業生劉國英

警務畢業業

生武桂林

繕寫

員張景新

生

員王靖遠

任縣志

天津華新印刷局印

任縣志增補修纂姓氏

鑒定

任縣知事

山左王億年

增補修纂

西科舉

人劉書旂

採訪

單級講習所畢業

生吳得祿

師範傳習畢業

生劉慶珉

校對

廩

生劉際奎

任縣志

三

天津華新印刷局印

生廩 員節拜竹
 廩生 生宋士英
 已酉科拔 貢吳寶善
 繕西科 寫馬榮騏
 高等小學校畢業 生李春生

任縣志目錄

卷之一

沿革 疆域 天度 山脈 河流 社里 物產 風俗

卷之二

建置 城池 公署 學宮 壇廟 官舍 橋梁

卷之三

經政 賦役 戶土 祀典

卷之四

職官

選舉 科目 仕進

任縣志

目錄

天津華新印刷局印

卷之五 人物 宦蹟 鄉音 俠義 隱逸
 卷之六 人物 烈女
 卷之七 紀事 災祥 兵事
 古蹟 城址 寺廟 冢墓
 卷之八 藝文 公牘 古詩 舊序

任縣志卷之一

地理 沿革 疆域 天度 山脈
河流 社里 物產 風俗

沿革

本境當未置縣以前已名為任春秋左氏傳鄭羽頡奔晉為任大夫齊國夏代晉取邢任欒郈所謂任者皆今任縣地也自漢始置縣屬廣平國後漢屬鉅鹿郡建安十七年改屬魏郡三國時屬魏廣平郡晉沿魏制元魏永安中屬北廣平郡齊省後周因之隋開皇十六年復置縣於苑鄉城大業初省入南和唐武德四年復置屬邢州五代因之宋熙甯五年省入南和元祐初復置屬信德府金屬邢州元至元二年省入邢

任縣志

卷之一

天津華新印書局印

台後復置屬順德路明屬順德府

國朝因之

按漢書地理志廣平國有任張廣鄉通志皆以為今任縣地然縱橫數十里中豈能並置三縣攷地理韻編張縣故城在任西南二十七里則已軼入邢台之境廣鄉故城方輿紀要謂併入本鄉以今地準之理或然也

疆域

本境為順德屬邑在省治西南五百八十里在府治東北三十里 境之四正界東四十里界平鄉鉅鹿西八里界邢台北三十二里界唐山南八里界南和 境之四隅界東南四

十里界平鄉西南八里界邢台東北五十里界隆平四十二里界鉅鹿西北三十三里界內邱東西約五十里南北約四十里

按任之為邑絕長補短將五十里置任於省境之中正賈誼所謂淮陽之比大諸侯僅如黑子之着面者也然地非衝要官無奔走迎候之勞土異沃饒民無驕奢淫泆之習官事簡則可專心為治民為樸則將惟令是從明政刑敷教化未有便於此者也因勢利導是在長民之吏而已壤地褊小奚礙焉

天度

任縣志

卷之一

天津華新印書局印

經綫 京師偏西一度三十九分緯綫赤道北三十七度十一分冬至晷影一丈七尺七分強夏至晷影二尺四寸四分強冬夏至晷夜長五十八刻四分弱短三十七刻十一分強節氣較 京師早六分三十秒

按經緯度相距里數今昔之說不同元史札馬魯丁言中國在赤道北故北極常現南極常隱南行二百五十里則北極低一度北行二百五十里則北極高一度利瑪竇地圖說南懷仁坤輿圖說及數理精蘊等書皆言每度二百五十里術由實測理絕空談精詣相傳折中已久至近時遵用西人之說乃以二百里為一度蓋因考定經綫皆以英京為起點推

測緯綫遂亦以英度爲定衡英以七十里爲一度英一里合中三里而弱三七相乘約得中二百里此新說所由與舊說異也余不諳天算未能辨其說之孰爲精審但以道里計之任邑距京師八百七十里京師當北緯三十九度五十五分與三十七度十一分相減餘二度四十分每度計以二百里得五百三十餘里與地面里數相去懸絕若每度以二百五十里計之得六百六十餘里加以偏西斜徑一度餘略相符合則舊說爲得其實雖人行地上與鳥道凌空取綫有弦弧之別而較其差率正不能過多也

山脈

龍岡在縣南一里康熙志沙岡在縣東北二里府志嶺南岡在縣東北二十里雍正志

任縣志

卷之一

三

天津華新印書局印

按邑境平衍四無山阜惟城南地勢突起橫如隄岸俗名龍岡方輿紀要謂岡脊橫亘東西長二十里蓋西山之脈蜿蜒於郡北與石井鹿城諸岡互相接續者也

河流 河道 疏濬 水利 水害

記曰以舊坊爲無用而壞之者必有水患蓋水勢無常其選行之道可由舊而新仍可由新而舊故歷紀今昔庶河道之變遷有攷焉

康熙初年河道舊志

達活泉 發源自府西北入郡濠卽牛尾河也舊與牛尾同入今北徙經邢之李道村東北入任縣地至趙五家圪台有順

水河合入至薄村方自西有蔡馬聖水三河合入至塔圪台合百泉河

百泉河 發源府東南葫蘆套至南和賈宋村東入任縣地至王村方西有牛尾等河合入至塔圪台入鷄爪河東南有澧河殷陳溝河合入至邢家灣合入滄陽河

沙洛河 發源府西栲栳山曰洪河下合沙河縣西北之溫泉至鷄澤縣合流經南和縣之北高村迤西入任縣地至石家溝入滄陽河

澧河 發源自府西路羅諸山其源有二一自豬莊之北川來者曰烏梅河一自溫泉之南川來者乃洪河分流至南和郝

任縣志

卷之一

四

天津華新印書局印

橋北五里入任縣地至塔圪台前西合百泉入鷄爪河

蔡河 發源府北梁原店之西山經邢之時村二里許入任縣地一南向環城一北向東折穿城合濠水東流入聖水河

馬河 發源邢之西山馬嶺川至北蓋宗入任縣地舊由橋頭尹家莊吳鐵莊馮村北留寨入泊因故道迷失日久今隨水勢自北張東北引合聖水河

聖水河 發源本縣境內西地界南有蔡河合入至北張村東北自南有馬河合入至東馬橋下六里許入達活河

滄陽河 發源磁州至平鄉中義曠橋入任縣地統泄大陸諸河之水今沙土淤高水反內溢

泚河 源出自臨城縣西山舊經唐山隆平至甯晉入滏陽河
今自唐山縣南向大市口賈村魏家莊大莊頭入任縣地由
張村鄭家莊王村入泊

沛河 源出常山房子縣贊皇山舊合泚河今自唐山之千言
屯至牛村入任縣地經薄村東南合入馬河

牛家口河 漳河支流也自曲周經平鄉中義疇入任縣地南
新莊至邢家灣合入滏陽河

程寨河 沙河支流也自南和郝橋村入任縣地三里至程二
寨轉西二里至賂莊折北四里至達家莊五里至東盟台入
泊

任縣志

卷之一

五

天津華新印書局印

留壘河 滏陽支流也自南和縣之北高村入任縣地三里至

雙篷頭三里至留壘村三十里至甄莊方西入沙洛河

牛尾河 自邢之李道村東南入任縣地河頭村至大宋村合

入順水河

順水河 百泉北支流自南和之賈宋村入任縣地至趙五家

圪台合入達活河

殷陳溝河 百泉河南支流上流有二一自南和入任縣地自

佛店經杜科單家莊邵家莊一自胡家閘經胡家莊翟家莊

陳家莊杜科杜家莊至邵家莊合流經賂莊方入台南店東

新建三橋下流而東北入澧河

鷄爪河 在大陸澤為諸河尾閘通滏河直北有溝名小鷄爪
亦可去水今滏水反內溢隨濇隨淤

古滏河 在縣東北四十里穆家口村北昔時統洩諸河之水
去五里許接隆平崔家樓今淤為平地水不能洩

黃家溝 楊家溝 俱在鷄爪河南 張滋溝 在鷄爪河北

石家渠 在邢家灣 各溝渠分洩衆水達滏河今滏水

內溢淤不能疏

以上舊志

按舊志言沛河自唐山千言屯至牛村入任縣地攷沛河發
源在泚河之北中隔百餘里分流東注至隆平西境相距猶
四十餘里設沛河決而南下豈有越泚河而不併入泚河之

任縣志

卷之一

六

天津華新印書局印

理由今測昔沛河似無從南經任境而志顧謂為沛河者蓋

因古沛水有入泚之文 漢書地理志贊皇山石濟水所出至

瘦陶入泚石濟水即沛水瘦陶今襄

晉意其地必相近見有與泚並流之水遂疑為沛河不知沛

水入泚乃在歸泊之時而非其經流之處然志之所載又確

有一水既非沛水果為何水乎攷通志李陽河源出內邱且

停山東逕唐山縣境至牛村入任縣境逕小劉莊西北又東

逕薄村東入達活河志所指為沛水正當其地而全境河道

初無李陽之名故安瀾志謂九河八水李陽獨遺則所謂沛

河者殆必李陽河也 此河今已久淤 又泚水經任境不久旋涸未詳
自何時改流攷辛市村觀音廟碑言地受泚水多斥鹵泚水

洩而地膏沃碑建於乾隆二年泚之斷流已久計當康雍之交泚已改歸故道不復南經任境矣

道光初年河道續志

達活河 由河曲村東北入縣境至西留村分一支入城濠北

流三里與正河合東北流由永福莊歸泊

百泉河 由南甘寨台南至路村即散

沙洛河 由雙蓬頭象牙寨安上村尼家莊歸泊

滄陽河 入縣境辛店至邢家灣出境

柳林河 由唐山邢村尹村入縣境劉家屯入聖水河

聖水河 不合達活河

任縣志

卷之一

七

天津華新印書局印

程寨河 卽今乾河

牛尾河 舊志言合入順水爲牛尾之古道今爲澆地溝

古澆河 今名北澆河雍正四年開以上續志

按舊志共十八河中無柳林續志增入柳林尙止九河雖意在僅志目前而舊時所有之河孰爲改道孰爲斷流俱未之及未免疏略已甚又云澆水至任較平邑尤弱百泉牛尾自西而東合而助之置閘疏分邑田皆藉其潤二水距澆懸遠安能合而助澆耳目所及之地謬誤若此其他之無足徵信可決矣

今日現行河道

澆陽河原名澆水宇文周置縣於澆水之陽因以名縣後乃以縣名轉稱於河其水出今磁州西北境有南北二源北源出

石鼓山南源出神廟山源分流合東北逕磁州邯鄲永年鷄

澤平鄉沿道受三十水自平鄉龐家莊西北入距縣治東南

四十里辛店之東南境內巨川也東北流逕辛店堡東五花

辛莊西折而直北至北定村西南折而西至辛興莊村南復

折而迤北逕天口田玉莊甯家莊甄莊邊家莊東西黃莊等

村至邢家灣之北分二支一折而東流行三里入距鹿縣境

一稍北折而西會鷄爪河合流而北會新澆河此河在本境而寬六丈底

寬三丈深丈餘行四十餘里惟春末夏初水多淺涸餘

時則水常流通能行大小船後兩岸田畝皆資灌溉

任縣志

卷之一

八

天津華新印書局印

按古澆穿大陸澤而北故爲澤水所由洩自改從東道澤中遂無澆水其他諸水則皆大陸澤所匯納者也

大陸澤在縣治東北十七里禹貢所謂大陸既作者也俗名南

泊南北袤二十餘里東西廣十三四里爲漳河以北泚河以

南衆水之所歸其南則澆河稱最大焉

大陸澤之南則有澆河自南來入之

澆河古澆水漢書趙國襄國今邢州蓼水馮水東至朝平今南和

入澆者是也其上流爲沙河源出太行山中合山西遼州諸

山之水會流逕沙河縣境受野河即古馮水分一支東北流逕南

和縣境更名澆河至郝橋北五里入距縣治東南二十五里

任

縣志

卷之一

九

天津華新印書局印

略莊村之西南五里許北流至達家莊西路家莊東殷陳溝自西南來入焉又北逕東盟台西入泊蜿蜒而北逕于盟莊村西二里許乾河自東來入焉轉而西北至環水村西南六里許達活河合順水河自南來入焉又北聖水河自西來入焉又東北流至環水村西北劉累河合沙洛河自東南來入焉又東北至穆家口西鷄爪河合滄陽分支自東來會又北為新澧河此河在本境寬七八丈深四五尺行五十餘里自未會達活河以南冬春乾涸夏秋之交大水時至始為巨川自會達活河以北則水常通流

大陸澤之南澧河以東則有乾河自南來入之

乾河即沙河正支也自沙河縣境東南流逕永年鷄澤折而

東北逕南和縣境至郝橋東北六里入距縣治東南三十里西望馬台之西南三里許北流至程爾寨村南二里許名程寨河折而西逕略莊村東遶村東北壁北流入泊蜿蜒而北至東盟台村東稍西復北至馬家莊村南折而西流入澧河此河在本境寬五丈深尺餘行二十餘里非大 wat 常乾涸

大陸澤之東南乾河以東則有洛河自東南來入之

洛河古澧水漢魏郡武安州今磁有澧水是也源出山西遼州太行山中自河南武安縣東北逕邯鄲永年鷄澤過沙河之故津為沙洛河逕南和縣境至北高村迤西入距縣治東南三十里東望馬台之南北流三里許至村東南折而東流至

任

縣志

卷之一

十

天津華新印書局印

留壘村迤西二里許折而迤北逕象牙寨村東復蜿蜒西北逕象王莊吳家莊安上村于盟莊四村之東北折而北復折而西逕馬家莊村東至尼家莊村北入泊北流入劉累河此河在本境寬四丈五尺深四五尺時常乾涸

大陸澤之東南洛河以東則有劉累河自東南來入之

劉累河亦名落漠河即古薄洛津語訛為落漠滄陽支流也滄陽河至永年縣界有分支東出為劉累河會稻田潰水東北逕鷄澤平鄉至南和北高村北二里許入距縣治東南四十里雙蓬頭村之南東北流遶村東壁迤北逕留壘村西又西北逕辛店村西又西北逕郭家莊村東迤北至劉家莊村

南復折而蜿蜒西北至馬家莊村東入泊又西北洛河自南來入焉合而西北流至環水村東北折西入澧河此河在本境寬五丈深四五尺約行三十里春冬乾涸

大陸澤之南澧河以西則有百泉河自西南來入之

百泉河古蓼水漢志所謂襄國有蓼水是也上流為七里河源出邢台西山伏流至城南七里復現東納百泉之水通為百泉河逕南和縣境至賈宋村東北入距縣治東南六里前大宋村之東南二里許東北流穿台南村折而東復折而北逕略家莊村西半里許北流入泊至東盟台村西北三里河身淤淺水皆漫流此河在本境水亦不常

大陸澤之西南百泉河以西則有順水河自西南來入之

順水河百泉北支流也上承邢台東汪等村十八間之潰水經石井等村至南和之賈宋村東入距縣治南八里南甘寨村之南一里許北流至村東屈而東復折而北至北甘寨村南復折而東逕前後大宋村之間迤東至郭村南轉而東北至台南村北折而西至齊村東復折而北逕固城村西辛益村東又北穿路村入泊蜿蜒東北至永福莊村東四里許屈而西流入達活河

此河在本境寬一丈深八尺行三十餘里常年有水頗資引溉

大陸澤之西南順水河以西則有達活河自西南來入之

達活河古渠水漢志襄國西山渠水所出是也源出郡城西

任縣志

卷之一

十一

天津華新印書局印

北達活紫金野狐等泉東南流合沙底河至蒲州屯南受關灣開水入距縣治西南八里河頭村之西南三里許東北流遶村西壁蜿蜒而北至西留村西分一支東流注城濠所謂蔡渠者也其正支東北流逕南北章固村北折而東至三里橋蔡渠水自南來入之合而北復折而東行六里許折而迤北逕張家莊村北復折而東北至永福莊村南三里許分二支一東流北折合順水河屈而西與北支會一北流至村西北隅迤東與東支合又東北流入泊又北入澧河

此河在本境寬一丈深一丈行三十餘里常年有水頗資引溉

大陸澤之西北達活河以北則有聖水河合柳林河自西來入

之

聖水河發源縣治西北十六里東樂村北三里聖水井泉出平地湧流成河逕聖女祠前蜿蜒東北逕沙營村東南至劉家屯南折而東流逕程家莊柳林河自北來入焉柳林河古長谷水漢志中邱蓬山長谷水所出是也今源出內邱

即漢中邱

龍騰山

即古蓬山

為龍騰水東逕柳林村為柳林河又東名小馬河逕唐山縣境至唐家莊東南入距縣治北二十八里劉家屯之西東南流入聖水河

柳林河在本境僅半里餘河身久淤水皆漫流宣統元年挑入聖水

聖水既合柳林河逕西馬橋村東又東逕東馬橋村南里許入泊又東北入澧河

此河在本境寬八尺深七尺約行二十里水亦不常惟發源處常有細流

任縣志

卷之一

十一

天津華新印書局印

大陸澤東西南三面翕受眾流惟東北一隅為洩水之區則有新澧河接澧澆之流者則為鷄爪河

鷄爪河在邢穆寨之西舊時澤中之水由鷄爪河瀉入澧陽自

澧陽淤高水乃西入鷄爪河北流二里許折而西北流約三里入新澧河

通志云鷄爪河長七里

新澧河亦名北澧河亦名穆家口河即古澆故道也為澧河之

下游故曰北澧除其舊淤故曰新澧首起穆家口故又曰穆

家口河統洩大陸澤諸河之水至穆家口西復受鷄爪河合

而東北流至永福莊入隆平東南境

此河在本境深廣各丈餘行五里出境水常流

通

按澧河至永福莊東北俗名澧河頭自此以下卽稱爲新澧河而各志所稱新澧河則起自穆家口今欲因地定名永福莊東南可稱南澧河永福莊東北可稱北澧河穆家口以北稱新澧河庶地形河勢俱言下瞭然矣

澧河百泉柳林達活諸水攷

按通志以柳林河俗呼小馬河者爲古馮水以達活河爲古蓼水其說小馬河云漢志馮水與蓼水並舉其相近可知達活既爲蓼水而此馬河卽在達活之北亦類記之列又云查內邱縣志西北界有馮溝必爲馮水之溝無疑其溝在龍騰山西於東流亦順但馮溝近爲第二川所逕東南入於野河

任縣志

卷之一

十三

天津華新印書局印

不東入馬河耳愚攷漢書地理志趙國襄國有馮水蓼水皆東至朝平入潁襄國今邢台縣朝平今南和縣境也通志以漢志馮蓼連言意其地必相近既以達活爲蓼水故遂以馬河爲馮水皆不過臆斷其然耳今考馬河卽柳林河出內邱縣西北而東南入任達活河出邢台縣西北而東北入任皆不逕南和之境與漢志東至朝平入潁者均不合卽謂馮溝爲第二川所逕始東南入野河亦必其勢便於東入馬河水性趨便則當第二川未逕馮溝之前安知馮溝之水不卽入野河乎竊謂欲辨馮蓼之爲何水當並求馮水之何在請先言馮蓼二水邢台縣志野河源出縣西北一百五十里之馬

嶺關東合龍門川北納內邱西山一水自婆婆庵東西分流合而來入其水卽第二川之水亦卽馮溝之水實爲野河之上源則野河者古馮水也又七里河爲百泉河之上流源出縣西北九十里之黑龍關下會百泉水通稱百泉河準其地望百泉之上源與野河源東西距五六十里流逕縣境與野河南北距十餘里視柳林與達活地尤相近今既可據馮溝之水知野河爲馮水獨不可據漢志二水連言之意由野河推及百泉乎則百泉河者古蓼水也野河東南合沙河至南和境更名澧河百泉河亦東南至南和境東入澧河與漢志馮蓼二水東至朝平入潁者正相符合則澧河者古馮水也

任縣志

卷之一

十四

天津華新印書局印

邢志據說文襄國潁水所出謂野河爲潁水則以下流所合之水名被之上流實則水本二源名難相混卽通志謂沙河爲潁水亦只以沙澧合爲一水上下卽可通稱豈知漢志之潁水則確指既入南和之澧河非指武安沙河二縣境內之沙河也知澧河之爲潁水益可證野河之爲馮水百泉河之爲蓼水矣又通志謂百泉爲龐水今以蓼水屬百泉則所謂龐水者當爲今之何水曰漢志朝平列葭水東入龐說文襄國龐水所出東入潁通志以百泉爲龐水雖合於龐水之入潁而不合於列葭水之入龐葭字記謂列葭水下注狼溝河沙河縣志謂狼溝有東西二河源皆出邢台廠里村至南和

